

Mii lea Smittestopp?

Smittestopp lea áppa man Álbmotdearvvašvuodáinstituhitta (FHI) almmuha. Dat galgá leat oassin barggus hehttet ahte koronavirus leavvá servodagas. Don mearridat ieš háliidatgo geavahit áppa.

Jus válddát iskosa ja dat čájeha ahte dus lea koronavirus, sáhtát addit dieđu earáide áppa bokte. Dalle ožžot sii diehtit ahte leat várra ahte leat njoammuduvvon, ja ožžot rávvagiid maid galget dahkat. Dieinna lágiin sáhttá áppa hehttet ahte eambbosat buohccájit. Áppa ii juoge dieđu ahte leat don guhte leat njoammuduvvon.

Mo bijat áppa Smittestopp iežat telefovnii?

- Viečča áppa App Store:s dahje Google Play:s.
- Áppas čuovut bagadeami mii ihtá šerbmii.
- Jus it ádde giela, bivdde gean nu čilget teavstta.

Mo doaibmá áppa Smittestopp?

Go leat ovttá olbmo lahkosis geas maid lea áppa iežas telefovnnas, de sáddejuvvojit signálat telefovnnas telefovnii.

Jus nubbi olmmoš váldá iskosa ja sus lea koronavirus, de muitá áppa ahte du telefovdna lea leamaš njoammuduvvon olbmo telefovna lahkosis. Dalle addo áppa bokte dutnje diehtu maid berret dahkat. Sáhtát maiddá válljet háliidatgo addit dieđu earáide jus leat njoammuduvvon.

Jus oaččut dieđu áppa bokte, de oaččut beare diehtit ahte lea várra ahte leat njoammuduvvon, iige addo diehtu gii dat lea gii lea njoammuduvvon ja gos dat lea dáhpáhuvvan. Eai eiseválddit eaige priváhtaolbmot oaččo diehtit geat dii lehpēt, dahje gos lehpēt leamaš.

Persovdnasuodjalus

- Fertet leat badjel 16 jagi jus áiggot geavahit Smittestopp.
- Dieđut du birra sihkkovuvvojit 14 beaivvi maŋŋá, ieš it dárbbas dahkat maidige.
- Sáhtát ieš sihkkot dieđuid iežat birra áppas goas ieš háliidat.
- Sáhtát sihkkut áppa telefovnnas goas ieš háliidat.

**Searvva vai mii oažžut min
dábálaš árgabeivviid ruovttoluotta**